

第〇八六冊

方輿彙編

職方典

太原府部

二五三—三〇三
(卷)

古今圖書集成

中華書局影印



古今圖書集成

卷一百一十五

欽定古今圖書集成方輿彙編職方典

第二百九十三卷目錄

太原府部彙考一

太原府建置沿革考

太原府疆域考

有圖

形勝附

太原府星野考

太原府山川考一

職方典第二百九十三卷

太原府部彙考一

太原府建置沿革考

本府

陽曲縣附郭

通志

古爲金天氏子臺駘所居堯始封曰唐國虞分爲并州夏商入冀周成王封弟叔虞亦曰唐其子燮更號晉春秋屬晉戰國屬趙秦并六國始置晉陽郡尋改郡爲太原西漢兼置并州東漢省并入冀分恆山西河二郡魏復置并州改郡爲太原國晉因之後爲劉淵所據又沒於石勒元魏仍爲太原郡兼置并州後周置并州總管府隋初廢郡置并州尋改爲太原郡領縣十五唐初復爲并州置北都及大都督府開元中改并州爲太原府屬河東道天寶初加號北京又爲河東節度領縣十三五代唐爲西京尋改北京宋太平興國初以榆次縣置并州後徙治陽曲縣唐明鎮即今治嘉祐中復爲太原府兼河東軍節度領河東路經略安撫使大觀初陞爲

大都督領縣十金爲武勇軍後復爲河東軍元置太原路後改冀寧路明洪武初改爲太原府領州六縣二十二置太原左右前三衛至萬曆二十三年改汾州爲府割永寧寧鄉臨縣分屬始領州五縣二十

陽曲縣

堯爲唐國舜爲并州夏商俱爲冀周爲唐後爲晉秦屬太原郡狼孟縣地漢置陽曲縣在今縣東北八十里忻州定襄縣境後漢末移治太原縣北四十五里屬并州刺史三國魏徙陽曲縣民于太原北狼孟南境築城居之而狼孟縣至晉亦廢南北朝魏以陽曲縣屬永安郡又移其南八十里今之石城隋初以陽字音同楊惡其曲改名陽直又徙治汾陽故城改曰汾陽大業初復曰陽直縣移治東木井城唐于故陽曲城分治汾陽縣尋省陽直縣改汾陽爲陽曲又分置羅陰縣後省羅陰復置陽曲宋初徙州治於縣南唐明村移縣治於西郭外金天會中移置郭下大定間割榆次之西北鄉屬焉元因之明爲太原府附郭

皇清因之編戶舊八十六里今六十三里

太原縣

周叔虞始封之地春秋戰國皆爲晉陽秦置晉陽縣爲太原郡治漢晉因之南北朝北齊移晉陽于汾水東而于城中置龍山縣隋省龍山縣復徙晉陽縣於城中又於汾水東置太原縣大業中遷入府城唐貞觀中復徙縣治於汾水東

宋初以縣爲平晉軍尋罷軍爲縣後又移治永利監屬太原府元屬太原路明移治汾水西洪武八年改爲太原縣隸太原府

皇清因之編戶舊五十五里今五十里

榆次縣

周春秋時晉涂水邑戰國時屬趙秦莊襄王二年蒙驁取趙榆次地即此漢置榆次縣屬太原郡晉屬太原國分餘地爲壽陽縣南北朝魏大武時省入晉陽尋復置北齊省入中都隋開皇初復舊名移治漢故城東北隅唐五代因之宋太平興國四年平劉繼元毀并州城徙治此金大定中以地廣民衆割其東三百戶入壽陽西四千五百戶入平晉南三千七百五十戶入太谷西南六百戶入徐溝西北八百戶入陽曲元屬太原路明爲榆次縣隸太原府

皇清因之編戶舊一百八里今七十六里

太谷縣

周春秋晉大夫陽處父封邑秦屬太原郡漢爲陽邑縣王莽改曰繁穰晉屬太原國南北朝魏屬太原郡太平眞君九年省尋復置後周建德四年徙西四十里即今治隋開皇二年廢郡以縣屬并州後改爲太谷縣因西南有太谷云唐武德三年置太州尋廢爲縣隸并州五代宋因之金大定中割榆次修文仁義二鄉來屬興定四年清源置晉州以太谷縣隸焉元廢州仍隸太原府明爲太谷縣隸太原府

皇清因之編戶舊八十三里今四十二里

祁縣

周春秋晉大夫祁奚之邑因以祁名賈封賈辛爲祁大夫卽其地秦漢皆屬太原郡武帝封李善爲祁侯徙築于西北在今祁城村南北朝魏并州別駕分瓚又徙西北築城卽今治北齊省隋復置屬并州唐初屬太州開元中仍屬太原府五代宋因之金置磧州因東南有磧山云尋廢州爲縣後割屬晉州元屬冀寧路明爲祁縣隸太原府

皇清因之編戶舊四十五里今三十一里

徐溝縣

金本清源縣之徐溝鎮至大定中因耆民言東析平晉縣斷金鄉一十三村西析清源縣梗陽鄉一十一村南析榆次縣西管鄉四村置爲縣隸太原路興定四年改清源縣爲晉州縣屬焉元州廢仍隸太原路明爲徐溝縣隸太原府

皇清因之編戶舊一十九里今一十二里

清源縣

周春秋晉地名清源又名梗陽漢晉皆爲榆次縣之西境南北朝魏省榆次縣屬晉陽隋開皇中卽梗陽故城置清源縣屬并州以西北有清源水云大業初省入晉陽唐武德初復置五代宋因之金興定中改置晉州以徐溝太谷祁縣隸焉元復如隋制明爲清源縣隸太原府

皇清因之編戶舊二十八里今二十八里

交城縣

漢晉陽縣之西境南北朝北齊于此置牧官隋

開皇中析置交城縣屬并州其地西北當汾孔二水交流之際有古交口城故名唐天授初移置山南却波村卽今治先天二年分置盧川縣于故縣地開元二年復并入焉宋建大通監於此割沁州綿上縣屬焉寶元間以監屬太原府金廢監縣仍舊屬元因之明爲交城縣隸太原府

皇清因之編戶舊四十三里今二十五里

文水縣

周春秋爲晉平陵大夫之邑後屬趙名大陵秦爲大陵縣屬太原郡漢因之故城在今縣東二十里王莽改爲大寧後漢復爲大陵晉屬太原國南北朝魏徙壽陽民三千戶居大陵城西南十里置壽陽西縣隋開皇中改曰文水以縣西有文谷水云屬并州唐武德三年改屬汾州天授初改爲武興縣神龍元年復舊宋元豐間因水患徙置南漳汜村高阜處金元仍舊明爲文水縣隸太原府

皇清因之編戶舊七十九里今七十里

壽陽縣

周春秋時晉馬首邑漢爲榆次之東境晉始置受陽縣屬樂平郡晉末省隋開皇間復置屬并州唐初置受州以縣屬焉貞觀中州廢縣仍屬并州宋仍舊金大定中置晉州於此割榆次東三百戶屬焉尋移州治清源縣屬平定州元仍置縣屬太原路明爲壽陽縣隸太原府

皇清因之編戶舊三十里今二十四里

孟縣

周春秋時仇猶國晉滅之爲大夫孟丙邑名曰孟戰國時屬趙爲源仇城漢置孟縣屬太原郡南北朝魏省入石艾縣隋開皇中分石艾置源仇縣屬遼州源仇故城卽今治大業初改孟縣屬并州唐武德三年割榆次壽陽二縣置受州以縣屬焉六年遷州治於賽魚城以并州烏河縣省入八年廢受州復隸并州五代宋仍舊金貞祐中陞爲孟州元因之明復爲孟縣隸太原府

皇清因之編戶舊二十三里今二十三里

靜樂縣

漢汾陽縣地屬太原郡東漢末廢入九原縣隋爲崑嵐縣尋改汾源縣大業間改靜樂縣屬樓煩郡唐於縣置管州後廢以縣屬嵐州宋咸平中置靜樂軍尋廢軍徙憲州治於此熙寧三年省州爲縣十年復爲憲州金改靜樂郡後仍改爲管州元初於此置河北路都元帥府至元初以管州省屬嵐州尋復爲管州三年又并入嵐州後復爲管州隸冀寧路明省州爲靜樂縣隸太原府北置寧化守禦千戶所守焉

皇清因之編戶舊三十里今十里

河曲縣

宋以舊嵐州雄勇鎮立火山軍屬代州後置火山縣尋廢金改爲火山州後改曰隰州貞元初增置河曲縣取河千里一曲之義元至元初州縣俱省入保德州明洪武二年仍置河曲縣六

年葦十四年復置隸太原府

皇清因之編戶舊七里今五里

平定州

周春秋晉地秦屬太原上黨二郡漢爲上艾縣地太原東境東漢屬恒山國晉屬樂平郡南北朝魏爲西陽郡後復爲樂平郡改上艾曰石艾縣隋初郡廢屬遼州後州廢屬太原郡又以石艾縣屬受州唐初屬遼州後復屬并州又改爲廣陽縣因縣西八十里有廣陽故城云宋初以鎮州廣陽縣建爲平定軍蓋太祖征太原先克此縣遂因隸鎮州及太宗平河東因改廣陽爲平定縣後廢遼州省平城和順二縣入遼山隸平定軍尋復隸遼州二縣復舊金改爲軍平定州爲太原支郡仍領平定樂平二縣元省平定樂平二縣入焉尋復樂平縣明爲平定州隸太原府領縣一

皇清因之編戶舊三十三里今二十一里

樂平縣

周春秋爲山東皐落氏之國晉伐之遂得其地後入於趙秦屬上黨郡漢爲沾縣三國魏因之晉析置樂平郡治樂平縣沾縣屬焉南北朝魏太武初郡縣皆省至明帝孝昌二年于遼州和順縣置樂平郡及縣北齊移治沾城即今治隋初郡廢以縣屬遼州又分置東山縣大業初省遼州及東山縣以樂平屬并州唐初置遼州於樂平後徙州治遼山五代皆因之宋爲平晉軍尋復爲樂平縣屬平定軍金爲皐州尋廢以縣

屬平定州元爲樂平縣尋省入平定州後復置屬平定州明爲樂平縣隸太原府平定州

皇清因之編戶舊十里今七里

忻州

周春秋時屬晉後屬趙秦屬太原郡漢爲太原之陽曲縣地東漢末於此置新興郡治九原晉改爲晉昌郡南北朝魏置肆州治於秀容城後周徙肆州治於鴈門郡隋初復立新興郡及雲州後改郡爲忻州取界內忻水爲名大業初廢雲州及忻州以其地入樓煩郡唐復置新興郡領秀容縣復爲忻州又置定襄縣天寶初改定襄郡乾元初復爲忻州屬河東路五代宋仍舊置團練使于此金置刺史爲太原府支郡屬河東北路元爲九原府尋復爲州領秀容定襄二縣明爲忻州隸太原府領縣一

皇清因之編戶舊五十三里今四十七里

定襄縣

漢陽曲地東漢末既移其民於太原近界置定襄縣以處塞下遺民入新興郡三國魏因之晉惠帝時遷弘農人楊釗等三千戶於此改曰晉昌縣南北朝魏復爲定襄縣隋省入秀容縣唐初復置定襄屬忻州宋省元祐初復置金元仍舊明爲定襄縣隸太原府忻州

皇清因之編戶舊二十五里今一十三里

代州

周春秋時晉地後屬趙秦爲鴈門郡漢汾陰館即此三國魏徙鴈門郡南度句注治廣武城即

今州西故城晉因之南北朝魏置梁城繁峙二

郡于此尋廢移治廣武東上館城即今治後周移肆州治此隋初郡廢置代州改廣武曰鴈門縣大業中改州爲鴈門郡唐置代州總管天寶初改鴈門郡乾元初復爲代州屬河東道宋因之置防禦金置代州振武軍隸河東北路元罷軍仍爲代州以鴈門縣省入隸太原路明洪武二年改縣八年復爲州隸太原府領縣三置振武衛又置守禦所于鴈門隸本衛

皇清因之編戶舊四十一里今仍舊

五臺縣

漢爲慮虢縣屬太原郡以界內有慮虢水云晉省南北朝魏復置新興郡北齊改屬鴈門郡隋改爲五臺縣因山爲名唐屬代州五代宋皆因之金陞爲臺州隸太原府元因之明改爲五臺縣隸太原府代州

皇清因之編戶舊一十五里今九里

繁峙縣

漢舊縣屬鴈門郡晉因之南北朝魏置繁峙郡東魏復置武州于此北齊改爲北靈州尋廢後周郡縣並廢隋開皇中復置武州及吐京新安三郡徙治城中大業中移縣置武州城屬鴈門郡唐復移今治宋屬代州金爲堅州隸太原府元因之明改爲繁峙縣隸太原府代州

皇清因之編戶舊一十九里今九里

崞縣

漢舊縣屬鴈門郡漢末廢晉復置南北朝魏改

爲石城縣東魏置崞州北齊改北顯州後周州廢隋改爲平寇縣大業初改崞縣唐屬代州五代梁析置白鹿縣宋省入崞縣金末陞爲州隸太原府元因之明復改爲崞縣隸太原府代州皇清因之編戶舊三十五里今二十里

崞嵐州

周春秋時晉地後爲樓煩所據趙滅樓煩以爲邑秦置縣屬太原郡漢爲汾陽縣三國魏屬新興郡南北朝魏置嵐州因山名隋爲崞嵐鎮屬樓煩郡唐置崞嵐軍及嵐谷縣宋仍爲軍金改爲州元省入嵐州後省入營州明洪武七年改爲崞嵐縣九年新置爲州隸太原府領縣二

皇清因之編戶舊一十一里今仍舊

嵐縣

漢汾陽縣屬太原郡漢末地空三國魏爲新興郡地南北朝魏爲嵐州地隋置樓煩郡唐置東會州尋改嵐州天寶初改樓煩郡乾元初復爲嵐州治宜芳縣宋立嵐州節度使於此金陞爲鎮西軍節度使元復爲嵐州隸太原路明改爲嵐縣隸太原府崞嵐州

皇清因之編戶舊三十二里今一十里

興縣

漢汾陽縣地南北朝魏置蔚汾縣東有蔚汾水云屬神武郡隋罷郡改爲臨泉縣屬樓煩郡唐改臨津縣屬東會州貞觀初改合河縣屬嵐州宋元豐中徙治蔚汾水北卽今治金陞爲興州取新興郡爲名屬太原府元復爲合河縣尋改

興州明改爲興縣隸太原府崞嵐州皇清因之編戶舊一十四里今四里

保德州

禹貢爲荒服周爲藩服春秋屬晉三分後屬樓煩名儋林秦屬太原漢屬鴈門郡唐屬嵐州宋析置定羌軍屬嵐州景德初改保德軍尋立爲州管五里與西河麟府豐三州相爲表裏以控制夏人屬河東道金置附郭保德縣元隸府州卽陝西府谷縣至元初省併隰邑二州入焉屬太原府明初亦爲州洪武七年改爲縣九年復改爲州隸太原府


皇清因之編戶舊五里今仍舊

偏關

周屬燕爲儋林郡秦併燕趙地築長城于紫塞其地廢漢改置陰山郡南北朝東魏屬武州唐因之宋隸火山軍金置武寧郡元置武節將軍樞密院判鎮守之明洪武二十二年置守備專勅守關宣德四年更置總兵官嘉靖二十一年移駐寧武更置叅將成化十一年立守禦千戶所

皇清因之編戶舊二里今仍舊

太原府疆域圖



太原府疆域考

府志

本府 陽曲縣附郭

東至直隸真定府井陘縣界二百七十五里

西至陝西延安府吳堡縣界五百五里

南至沁州武鄉縣界二百一十里

北至大同府馬邑縣界三百五十五里

東西廣 原開里南北袤 原開里自府治至

京師一千二百里

陽曲縣

東至壽陽縣王胡莊六十里

西至交城縣故交莊九十里

南至太原縣馬村十五里

北至忻州關城子一百一十里

東西廣二百二十里南北袤一百五十里

太原縣

東至榆次縣東賈二十五里

西至陽曲縣界御道川四十里

南至清源縣故驛鎮三十里

北至陽曲縣北屯四十里

東西廣六十里南北袤七十里自縣東北至省

城四十五里至

京師一千里

榆次縣

東至壽陽縣界六十里

西至太原縣界二十五里

南至太谷縣界三十五里

北至陽曲縣界八十里

東西廣八十五里南北袤一百一十五里自縣

治西北至省城六十里東北至

京師一千一百里

太谷縣

東至和順縣界焦紅色一百一十五里

西至祁縣界白圭村一十五里

南至祁縣界口子頭村三十里

北至徐溝縣界楚王村二十五里

東西廣一百二十五里南北袤六十里自縣治

西北至省城一百二十里東北至

京師一千二百里

祁縣

東至太谷縣界三十里

西至文水縣界二十五里

南至平遙縣界十三里

北至清源縣界三十里

東西廣五十里南北袤一百五十里自縣治東

北至省城一百四十里至

京師一千二百里

徐溝縣

東至榆次縣田村一十二里

西至清源縣西谷村一十八里

南至太谷縣登豐鋪一十八里

北至太原縣南格村一十三里

東西廣 原開里南北袤 原開里自縣治北至省

城八十里東北至

京師一千二百里

清源縣

東至徐溝縣黑石管界十五里

西至交城縣義望鋪界十五里

南至祁縣北棗村界三十里

北至太原縣故驛鎮界八里

東西廣四十里南北袤三十八里自縣治東北

至省城八十里至

京師一千一百七十里

交城縣

東至清源縣高白村一十五里

西至永寧州劉王崴山一百八十里

南至文水縣石堰村一十里

北至靜樂縣天成川界一百五十里

東西廣二百餘里南北袤二百餘里自縣治東

北至省城一百二十里至

京師一千三百里

文水縣

東至祁縣界五十里

西至永寧州界八十里

南至汾州界三十里

北至交城縣界三十里

東西廣一百三十里南北袤六十里自縣治東

北至省城一百六十里至

京師一千三百里

壽陽縣

東至平定州界四十五里

西至陽曲縣界一百里

南至和順縣界一百里

北至孟縣界六十里

東西廣一百四十五里南北表一百五十里自

縣治西至省城一百七十里東北至

京師一千里

孟縣

東至直隸平山縣界七十里

南至壽陽縣界七十里

西至陽曲縣界一百二十里

北至五臺縣界一百二十里

東西廣二百一十里南北表二百里自縣治南

路至會城二百四十里東路至

京師九百里

靜樂縣

東至小店鎮陽曲縣界九十里

西至馬房鎮西閣泥村嵐縣界四十五里

南至順道村交城縣界一百五十里

北至永安鎮北寧化界四十五里

東西廣一百三十五里南北表二百七十里自

縣治至會城二百二十里至

京師一千里

河曲縣

東至舊武州下莊村八十里

西至黃河岸陝西府谷縣界七里

南至保德州界朱家村六十里

北至沙漠界一百二十里

東西廣原闕里南北表原闕里自縣治東南至

省城四百八十里東北至

京師一千三百里

平定州

東至直隸井陘縣界一百里

西至壽陽縣界七十五里

南至樂平縣界三十五里

北至孟縣界六十里

東西廣一百七十里南北表一百一十里自州

治西北至省城二百六十里東北至

京師一千里

樂平縣

東至直隸贊皇縣黃沙嶺一百二十里

西至壽陽縣堡底村一百一十里

南至和順縣松子嶺界四十五里

北至平定州風火嶺界二十五里

東西廣二百五十里南北表七十里自縣治北

至本州五十里西北至省城三百二十里東北

京師一千一百里

忻州

東至定襄縣二十五里

西至靜樂縣界一百一十里

南至陽曲縣界四十里

北至崞縣界六十里

東西廣一百三十五里南北長一百里自州治

南至省城一百四十里東北至

京師一千三百里

定襄縣

東至五臺縣邊家莊界七十里

西至忻州北霍村界十五里

南至陽曲縣岔口界二十五里

北至崞縣橫道鎮界三十五里

東西廣原闕里南北表原闕里自縣治西北至

本州一百二十里西南至省城一百八十里東

北至

京師九百里

代州

東至繁峙縣楊興堡五十里

西至崞縣班聶村三十里

南至五臺縣楊休嶺七十里

北至馬邑縣北嶺下四十五里

東西廣八十里南北表一百一十五里自州治

西南至省城三百二十里東北至

京師三百七十里

五臺縣

東至直隸阜平縣龍泉關一百二十里

西至崞縣榆車嶺八十里

南至孟縣牛道嶺八十里

北至代州楊林嶺四十里

東西廣二百里南北表一百二十里自縣治西

北至本州一百里西至省城二百七十里北至

京師九百里

繁峙縣志闕

崞縣志闕

岢嵐州

東至衛界三十里

西至保德州界六十里

南至嵐縣界直道村五十里

北至界牌六十里

東西廣一百里南北袤九十里自州治東南至

省城三百五十里東北至

京師一千五百里

嵐縣

志開

興縣

東至嵐縣上會村七十里

西至黃河五十里

南至臨縣界堠塢八十里

北至保德州寺河塔七十里

東西廣一百二十五里南北袤一百五十里自

縣治東南至本州一百五十里東北至

京師一千二百里

保德州

東至河曲縣界三十里

西至韓家川河畔四十里

南至岢嵐州界七十里

北至河畔一里

東西廣一百一十里南北袤一百二十里自州

治東南至省城五百里東北至

京師一千四百里

寧武關

東至馬家灣陽方口界八里

西至頭馬營寧化界八十里

南至五里鋪崞縣界二十里

北至黃花嶺神池界十五里

東西廣一百二十里南北袤一百一十里自所

治東南至省城四百里東北至

京師一千五百里

形勝附

本府

陽曲縣附郭

李白序天王三京北都居一襟四塞之要衝控

五原之都邑

博物策左有太行右有大河南有霍鎮之固北

有雲中之塞昔人謂之雄藩劇鎮

和鼎碑記鴉鳴實參墟通析津之大關版泉有

軒轅戰炎帝之古蹟亭義隱桃花之三洞石嶺

連繫舟之孤巖

陳裴拱辰樓賦汾流左繞而拖帶晉山西倚以

長屏烈石巉巖寒泉鳴咽

圖書編恆山之險大河之固勾注險阻靈山角

立

輿圖備考左恆山右大河襟四塞控五原南石

嶺孟門北方山靈內勾注險阻山明水秀古晉

要地

太原以雲中上谷爲之屏河東上黨爲之蔽臨

谷爲塹因山爲障帶二水之雙流據百嶺之重

阻尤險之最焉試橫覽遠眺而複關四塞逶迤

崔嵬誠所謂一人荷戟萬夫趑趄者非晉中名

郡歟

陽曲縣 唐文粹居天下之脊當河朔之喉

太原縣 山環水繞原隰寬平

榆次縣 罕山北峙涂水南潞左枕太行之麓

右跨汾水之濱重以深溝巨澗極其險阻而曲

塞懸密又足爲避兵之所

太谷縣 鳳山聳其前象水環其後左枕太行

右跨汾水東南有八賦之重岡西北連盤跚之

天塹依憑險固敵難馳騁誠三晉之巖邑也

祁縣 麓臺峙於前昌源縈於後左翼鳳山右

跨汾潞而通光五馬諸河經絡其間故舊志謂

羣山遙障東南清汾旋繞西北

徐溝縣 北望晉藩南跨嶺谷東倚太行西臨

汾水

清源縣 左挹清汾右枕白石地勢平夷土性

瀉鹵

交城縣 東近却波之村南向汾河之陽西鄰

文水北背卦山

文水縣 左帶汾文右襟龍虎

壽陽縣 枕連恆岳聯絡太行奇峰東列爲畿

甸之右襟層巒西峙爲晉藩之左輔

孟縣 峰巒錯落乎東北岡阜羅列於西南兩

嶺藏山峙乎內高峰石艾遶乎外芹水環流渟

沱洶湧且左跨越霄右翼慈氏面峙雙鶴背枕

仇獢

靜樂縣 重山四拱汾水中流蘆芽荷葉鎮其

北龍和周洪揖其南左環兩嶺右控鹿徑故舊

志謂全晉咽喉偏都襟袂

河曲縣 北枕高岡南臨大澗土坡斗峻十里九溝西北有黃河之險以阻隔羣邊東北有偏關之塞以保障全晉

平定州 當四塞之要衝控五原之都邑石樓壯其襟桃江遶其背左倚故關之險右擁冠山之雄巍然并州之上游也

樂平縣 羣山起伏若斷若連有浮波之形實太行之中境也

忻州 景望維山城浸維水東山表魯易水壯燕禹別九州高山是奠且南有石嶺之關北有雲內之塞

定襄縣 叢蒙障其南滹沱環其北代州 鴈門障其西北滹沱經於東南外繞羣山中開平壤誠險固之地戰守之區

五臺縣 東跨五臺南襟滹沱西帶泉岩北枕楊嶺二峩擁腋四峪盤腹兩關把隘三險防虞彈丸一邑巋然中藏舊志云而蹙峪而背楊林

左臺山而右滹沱溪壑岩壑川谷重複繁峙縣 左據懸山右連義浪淨明雄峙於前鐵脚崢嶸於後

崞縣 羣峰西障滹川東繞天涯壯其南鴈門枕其北

崞嵐州 四面皆山屹然高聳西則河水蕩然浩流形勢雄固

嵐縣 桃嶺鎮其南雙松障其北東帶高平之坡西據白龍之險山川斗峻道路崎嶇與縣 左襟大萬右帶黃河合查紫金拱其南

嵐漪秋水經其北

保德州 羣山屹乎東南黃河繞於西北

寧武關 依山傍河背高面下東則禪房聳峻望臺山之勝西則蘆芽魏峰含汾水之源六盤踞其前鳥道紆迴黃花枕其後怪石重疊雖不比通都大邑然而環列萬山之中蓋所稱雄關云

太原府星野考

府志

府屬總

太原所屬在參井之間然觀井次之入陝其麗參者較多

太原府山川考一

府志

本府 陽曲縣附郭

罕山 在府城東北五十里其山自太行連絡而下層巒起伏視諸山獨爲壯麗圖經謂之看山

亭子山 在府城西北五十里下有桃花三洞

乃白翔讀書處

崛嶠山 在府城西北四十五里上有寺林木茂密霜後葉紅如丹

冽石山 在府城西北四十里山罅出泉其味甘美旁有龍井所謂冽石寒泉有寶鳴犢廟內

十五里有二洞相傳范張二郎採薪於此遇仙人奕棋觀之久而斧柯已爛及回家家人已亡越三世矣二人復入山俱坐化于洞即形塑像因名其里曰斧柯里

繫舟山 在府城北九十里靈記云五臺山有四埵各去百二十里其南繫舟山號南埵上有銅環鐵軸

昔堯遭洪水繫舟於此或謂禹治水繫舟其上故名其石如環軸曰繫舟金元好問父德明讀書其下趙秉文改曰讀書山五代時薛雲居此又名薛雲谷

狼虎山 在府城西二十五里

梁鴻山 在府城東北九十里

方山 在府城東北六十里以方頂爲名

漢柵山 在府城東北六十里

阪泉山 在府城東北八十里山西北有白龍

黑虎二池黃帝戰於阪泉即此山上有黃帝廟

織竿山 在府城東北九十里一名鳳凰山其

形如鳥舒翼東臥虎山西南接頭山諸峰羅列

又名五峰山俗呼小五臺山又名爲梁鴻山

乾燭峪 即天門關其東北崖名楊廣道隋魯

王園廣所

石尖峯 在府城西北六十里有石孤立汾水

側高十餘丈

汾河 在府城西其源出靜樂縣北有二一在

縣北管岑山天池一出林溪山龍眼泉至支鍋

石村合流至寧化所五里禹之孫昌寧公所定

名定河至縣城西南流水經樓煩故交陽曲太

原文水祁汾介休孝義霍州靈石汾西趙城洪

洞臨汾襄陵太平絳州稷山河津榮河諸州縣

界合入黃河其所經州縣多引渠灌田

飲馬河 在府城內西阜城門裏明初封晉王

有護衛軍飲馬于此故名

南社河 在府城北十里西流入汾

洛陰水 在府城北五十里源出新興郡南流

經洛陰城又西經孟縣東北故城南又有石橋

河水俱西流經陽曲灣流入汾

掃谷水 源出府城西一百二十里南流經天

門谷入汾

真谷水 源出府城東七十里南流過狼孟城

西合洛陰水

陽曲川 在府城東北四十里又名陽曲灣

澗河水 源出府城東北五里西南流入汾

柳溪 在府城西一里汾湜之東宋天禧中陳

堯佐知并州因汾水屢漲爲築堤周圍五里引

汾水注之四旁柳萬株中有林華堂堂後通芙

蓉洲堤上有彤霞閣每歲上巳太守泛舟郡人

遊觀焉久圯於水有新碑尚存

龍泉 有四一在城西二里南流入太原縣界

一在百五十里靜樂縣界一在太原縣西北開

化山一在崞縣西北龍泉郡

烈石泉 在府城西北四十里山下發源與汾

水合流溉田又名烈石谷

南寨河 在府城北二十五里西流入汾因淤

泥渡涉不便宗人朱知黔等建橋一座

太原縣

嬰山 縣西北三里圖經云嬰山爲并州之主

卽今五龍塋

石室山 在縣西北七里記云太原羣山有石

室方丈四尺旁有古字人莫之識今無

懸甕山 縣西十里一名結紬山山海經云懸

甕之山晉水所出山腹有巨石如甕因以爲名

宋仁宗時地震山拆巨石摧壞今無甕形矣

風谷山 在縣西十里唐北都西門之驛路也

石穴 相傳神至則石有聲去則否上有泰山

寺

蒙山 在縣西五里漢劉聰寇劉琨不克掠晉

陽之民踰蒙山西歸上有周將楊忠碑忠卽隋

文帝父

尖山 在縣西南一十五里出礬炭

龍山 縣西八里北齊取以名縣唐裴休退隱

之所其北有童子寺其南道中有泉嘗出白魚

因名白魚泉漢地志云晉陽有龍山

葦谷山 在縣西南二十五里上有仙巖禪寺

巖石山 在縣西南一十五里有槐子谷入天

龍寺

駝山 在縣東南五十五里其形如駝峰故名

又曰黑駝山出煤炭故也上有補恩寺

臥虎山 在縣西南以形似臥虎故名

柳子谷 在縣西南一十五里

井谷 在縣西北一十五里

晉水 源出縣西南十里懸甕山下二泉北曰

善利南曰難老疏爲二池南曰大池流經奉聖

寺前名流杯池北曰八角池分爲三河其北城

者名爲智伯渠至唐貞觀中長史李勣架汾水

東引令民汲飲後名晉渠今廢

洞渦水 源出樂平縣經榆次縣永康鎮五代

時汴人攻太原管于洞渦水經注云出晉水下

口者注云劉琨之爲并州也劉淵引兵邀擊之

戰于洞渦卽此水也

沙河水 在縣西七里風峪中經晉陽故城東

流入汾遇夏暴雨每壞城郭居民築堤障之旱

則涸

臺駘澤 在縣西十里一名晉澤晉水下流匯

而爲澤中產蒲魚民人利之澤廣二十里今爲

汾水所沒盡爲民田其旁有昌寧公廟卽臺駘

神也

白龍池 縣西南三十里天龍寺內深丈許遇

旱浚之則雨

蓮池 縣南五里晉水聚處人間種之

蟾酥池 縣西南五里賢輔鄉元時採辦今爲

民田

白魚泉 在縣西南十五里龍山明仙寺北谷

泉出白魚因以名之

龍泉 縣西北開化山南谷內有八角水池泉

從石罅噴出

滴瀝泉 縣西南十里王索村古晉祠下

烈女井 在縣北十里元武氏女管嬰投死其中後人因以爲名

九龍井 在縣北三里金皇統八年有碑云人有疾飲之即愈洗目即明

御井 縣西南十里近晉祠相傳宋太祖下河

東時嘗飲馬于此故名

榆次縣

罕山 縣北五十里詳見陽曲縣

臥虎山 在罕山南狀若臥虎故名

寶峰山 在縣東南四十里馬欄村蜿蜒奇秀

山之陽有溪谷可憩

鷹山 在縣東南八十里峰巒聳翠如鷹狀小

涂水出焉或云曾有神鷹止此故名

麓臺山 在縣東南三十五里高數十仞頂平

衍因謂之臺又云鹿蹄山上建智伯祠

小五臺山 在縣東北三十里旁列林巒下瞰

泉石爲居人勝遊之地

神林嶺 在縣東南三十五里地陰寒深夏有

雪與前寶峰山相峙居人以爲盛觀

冀家山 在縣北四十里其勢綿延環向爲罕

山之翼

盤腸嶺 在縣東南五十里危峻多產巨木其

勢盤曲如腸

榆城坂 在縣東南三十里壁立數千仞上有

土寨下有懸窰俱可避兵每商旅經行輪摧蹄

蹶相顧愕然

馬喊坡 在縣北十五里谷頭村俗傳龐涓行兵經此馬喊因名

龐涓洞 在縣北二十五里蘇村南澗河涯上

世傳龐涓微時嘗寓此操習兵法洞深人莫入

白龍河 在縣東北二十五里西入澗河

清水河 在縣北二十里鳴謙驛源出孟家井

黃煤窑西南入於澗河

涂水 有二大涂水發源本縣東南一百里八

縛嶺西北流入澗河水小涂水發源縣東南八

十里鷹山西流入大涂水經太原清源二縣界

入于汾河水經注曰涂水出陽邑東北大嶸山

涂谷西南逕羅磬亭與蔣谷水合水出縣東南

蔣谿魏土地記曰陽邑城東一百一十里至山

有蔣谷大道度軒車嶺通於武鄉

源澗水 在縣東八里源澗村其泉湧出隆寒

不凍泉旁之草甲經冬常榮故又謂之溫泉上

有龍祠唐貞觀二年縣令孫湛引以溉田甚利

南流半里許會洞澗入汾水經注爲原過水云

西阜上有原澗祠水取名焉

澗河水 在縣北十五里源出壽陽縣李家山

西南會蒜谷赤坑白龍諸水流經太原縣界注

於汾宋紹聖三年縣令桑世安開渠溉田數十

餘頃民受其利

木瓜水 在縣東南六十里其源出遼州舊平

城縣木瓜嶺合八縛水西流入澗澗水

八縛水 出八縛嶺下西潞迴而來下流至傾

城西會木瓜水

牛坑水 出縣東南三十里牛坑村懸泉谷西流入於澗澗水居民引渠溉田

蒜谷水 在縣北四十里蒜谷西流入澗河水

蘇河水 發源縣北四十里高壁溝西入澗河

芹谷水 出縣東北五十里芹谷西流入澗河

龍池 有四一在小五臺山下一在罕山南一

在孟家井東一在中社村西其水皆光滢奪目

冬夏不竭上有龍祠禱雨輒應

黃龍港 在縣東北半里許本漢唐故道歲久

霖潦畢會因疏爲港

寒泉 在縣東十里井谷村上有龍祠祠有土

泉一竅其味甘冽旱不涸澇不溢清澄見底土

人疏之溉田西注澗澗水

捍水井 有三一在懷仁村一在西長壽村一

在王郝村俱萬曆年間建

太谷縣

鳳凰山 在縣南一十里山巔形勢如鳳故名

春夏之交峰巒秀麗色如抹靛士庶登眺不絕

灰泉山 在縣東南二十里山上有谷德將軍

廟廟下有泉瀦爲池

藥伯山 在縣東南三十里上有藥伯廟

風景山 在縣南十八里山有石佛建三層閣

貯之山巔有浮屠一座四月八日民登眺不絕

鳳翼山 在縣東南二十三里即鳳凰山之右

翼高三里盤踞二十里山有佛閣因山鑿佛北

向坐身丈餘號二佛元宋閣燬於兵金復重建

白壁嶺 縣南七十里

奄谷 在縣東南十里崖壁有佛像世號千佛崖谷中出水

咸陽谷 縣南十三里石壁有佛像秦伐趙築城近谷口以咸陽兵戍之故名

回馬谷 縣東南三十里谷中有馬陵關通古邢州路谷中出葡萄味甚美有水即回馬河五代時梁伐太原刺史張歸厚軍自馬陵關入即此一名四封谷

象谷 在縣東北五十二里闊三百步長四十六里谷中有水即象谷河

回馬河 在縣東南二十五里

象谷河 在縣東北二十五里河水澄徹可鑒毛髮

奄谷河 在縣東南一十里谷中有泉北流入惠安村灌溉田園民多獲利

金水河 源出縣東北大塔山下至石母祠衆泉合流經清源縣羅白村入于汾

胡谷河 在縣西南流入祁縣界

祁縣

麓臺山 在縣東南六十里形如臺故名下有龍洞禱雨輒應其南跨平遙縣界亦名蒙山又名竭方山迤邐接武鄉沁源靈石縣界

上嶺山 在縣東南六十里巍峩奇秀上有五龍堂今廢一作嶺

下嶺山 在縣東南六十里層巒疊翠隱逸之士多居之上有幽仙寺

高峰壑山 亦名雲伏腦在上嶺山東十餘里

山頂高寒盛暑山雪不化山分二支轉折東北者爲綿嶺自麓十八盤方至頂轉正北者爲龍山以首有龍嘴也

四縣腦山 在嶺山東南三十五里其形高大登之望見本縣太谷榆社平遙四縣故名

牛心山 在縣東南七十里周圍有木泉峰巒特秀山頂光圓似牛心

紫荊山 去縣一百餘里極高在牛心山南長約十里山石皆五色有泉水大池東巖有銀洞今塞西北山梁又有風洞口面三角風恆出其

中深不可量

雙泉山 在子洪鎮南以山有雙泉故名

溫風嶺 在縣東南一百里紫荊山北嶺上有張果老窑下有天井仙峰槽蹄諸遺跡

南原 在縣東南

雙臺山 在縣東南梁村東西臺對峙若相拱揖然故名

黃羊坡 在縣東南窰上村俗傳楊延昭引兵至此迷失道路黃羊引之故名

龍洞 在麓臺山龍王廟中洞口有風聲如吼深三四丈內有四穴

龍王洞 在龍洞正北有水池上橫三木過此有石乳下垂滴水

潤濟侯洞 俱在龍洞南皆有垂石滴水以上四洞遇旱取水禱雨輒應惟東南一洞則去遠不可測人無敢深入者

石夫子洞 在子洪鎮雙泉山石崖下內有夫

子像乃明嘉靖中所鑿

石佛河 源出縣東南四十里柏園村南坡下胡甲水 在縣境即龍州水源出武鄉縣胡甲

山故名北流經龍舟谷名龍舟水亦名昌源水引渠溉六支等都至賈令鎮南諸鄉村田

伏龍水 源出縣東南三十里伏龍嶺故名

通光水 源出東南嶺山北合昌源河入汾溉田甚多

迴馬谷水 一名五馬河源出太谷縣東南迴馬谷西合昌源河入汾

五龍池 在上嶺山五龍堂舊址前東西各一

子洪池 在鎮南山麓周圍石砌水甚甘鎮人利之

照餘池 在縣東南七里祁城村周禮所云照餘祈即此世遠涸鹵元至元十一年濬得細水爲照餘池歲溉民田及墮下樹木旁建成湯廟後池水復涸

皇清順治九年復溢

雙泉 有二一在子洪鎮南雙泉山流入溝溉田一在高峰壑山流入通光水

馬跑泉 有三其二在麓臺神祠南北俗傳皆麓臺神馬所跑或謂宋太宗取河東時路此地御馬所跑一在上嶺山東俗傳康皇后曾沐髮于此今其水不堪飲山人惟瀝麻

甄拔突泉 有二俱在南梁上莊東南溝中二泉相去不遠通光水之上流也

義井 在縣治東南察院巷相傳爲元義門溫

義之井故名

滿井 在縣東南十五里井泉湧出冬夏長流

土人編渠輪溉田畝

大井 在縣治東北隅鑿於建城之後味極甘

徐溝縣

無山

嶠峪河 在縣南十里源出榆社縣恤張嶺下

相距一百八十里西南流入清源縣界又名象

谷萬曆年間挑渠灌田秋深漲發多壞禾稼

清源縣

中隱山 在縣西北八里四圍高峰其山中隱

故名

仁山 在縣西北十里

白石山 在縣西五里下有白石谷水從谷中

出合平泉入汾

馬名山 在縣西十五里舊傳漢文帝牧馬于

此有印駒城故名

屠各谷 在縣西十五里

鳳山 在縣西七里中峰高起兩翼如抱若翔

鳳然故名

馬鞍山 在縣西南五里多蔬果

方山 在縣西南二十五里四面平坦故名

象谷水 在縣東南三十里

白石水 在縣西五里源出白石谷曲流十里

南入汾夏秋遇雨泛漲甚為城害因修石堰障

之歲加補築

清源水 在縣西北五里源出趙簡子祠前平

地引以溉田又名平泉一名不滂池溢則東南

注於汾又名不老池

屠溝水 在縣西南十五里舊名屠谷口兩山

陡峻如峽夏多泛漲冬則涸

交城縣

萬卦山 在縣北五里六峰峙立斷續開合如

萬卦然題曰卦岳爻峰一名卦山

錦屏山 在縣西北五里紅崖綠樹若錦屏然

春景尤佳題曰錦屏春色

石壁山 在縣西北二十里疊巘周圍環抱南

有石崖峭削千仞列障儼然如壁古柏蒼松四

季若長秋題曰石壁秋容

王山 在縣東十二里古名虎頭山金皇統四

年賜今名或云有空王佛寺故也岡有古磚塔

題曰王山寶塔按通志近視則灰色遠視則色

愈白上有第一山碑宋米芾書一本是玉山

臥牛山 縣東北七里形似臥牛

白鹿山 在縣東北十里山下有白鹿泉昔有

白鹿跑地得泉故名

高離山 縣西北四十里獨立高聳遠離衆山

少陽山 在縣西北七十里山海經云少陽之

山酸水出焉流合文谷水古產銀精石今不出

水尚微酸

馬鞍山 縣西北五十里乃縣之鎮山也山畔

兩峰連接形如馬鞍上有晉大夫狐突及子毛

偃墳廟一名狐突山俗謂之放馬坪廟前有井

水極甘冽遇旱禱雨輒應古產青鐵今亦無

文山 縣西北九十里文木之側故名

四稜山 在縣西北九十里以上四脊為名

寶珍山 在縣西一百里有僧寶珍坐化於

此人異之故名亦名寶珠峰

羊腸山 在縣東北一百二十里郡國志云萬

根谷石磴縈委若羊腸後魏於此立羊腸寨水

經注曰漢高帝十一年封斬彊為侯國後立屯

農積粟在斯謂之羊腸倉山有羊腸坂在晉陽

西北石磴縈委故倉坂取名矣

龍鬚山 縣西北一百二十里山頂有寨即名

龍鬚寨北有黑龍洞南有龍堂山岩下滴水成

石因名餘糧石崖內建龍王堂

交城山 城北一百二十五里舊交城在此故

名今改為故交村

大阿蘇山 在縣西北一百五十里其南數里

有小阿蘇山其山石崖中有洞穴世傳張果老

乘白驢在此以鐵筆指石為穴併驢入焉穴尚

在深約十數步

黑石樓山 在縣西北一百五十里上有黑石

如樓故名其洞穴中有兩石如盆泉水出焉亦

名獨泉山

破羅漢山 在縣西北一百五十里山下有古

石羅漢破碎不全以此故名

穀積山 在縣西北一百五十里一名骨集山

歡悅山 在縣西北一百五十里山勢聳立昔

有隱者常登此山東觀并州西視黃河右盼左

顧懷抱豁然故又名豁然山

孝文山 在縣西北一百六十里昔元魏孝文

避暑于此上有廟存焉

福泉山 在縣西北一百七十里

神師山 在縣西北一百九十里

居于此下有東西仙洞相去四十里

鍊銀山 在縣西北一百二十里

出銀鉛鑛

七佛山 在縣東北二十里

云塑像臥石崖中俗傳睡化另有黃姑像存焉

又傳是楚王修行之地

劉王蓮山 在縣西北一百九十里

旱禱雨即應昔劉淵都離石時嘗居此因名有

祠存焉一名劉伶蓮山

童子谷 在縣北八十里

童子牧於此谷見巨石如人因作佛像高一

一十尺

龍堂山 在縣西北七十里山下有龍王堂

孔河 在縣北一百三十里

柵馬蘭城東注於汝

西谷水 在縣西北源出劉王蓮山下合文水

步渾水 在縣西北五十里

經縣城東流入汾明末樂十年泛漲衝圯城垣

乃築瓦窰磁窰溝口二堰以防之

塔莎水 一名塔沙水縣東北五十里

南流經縣城東南入汾元至正七年知縣程元

直築堤障之今廢

白鹿泉 在王山之麓

觀音泉 在縣西北九十里西冶村泉上有觀

音堂故名堂前以石砌八角池中置石獅口出

水激湧

孤突神祠井 在縣西北孤突祠內水極甘冽

旱禱即雨

元真觀井 在縣城裏西北元真觀內

文水縣

龍王山 在縣西五里上建龍王廟旱禱即雨

四月八日邑人燕遊之地

獅子山 在縣西南十五里以其狀類獅故名

白虎山 在縣西南二十里昔有白虎穴于此

故名因立白虎于上

隱泉山 在縣西南三十五里山壑峭立有泉

隱而不恆流因以名一名子夏山以子夏退老

西河之上而名一名商山有石窟堂洞其洞深

遠不可測俗傳通陝西有風聲如輕雷去地百

餘丈東有馬跑泉又名謁泉山水經注曰謁泉

山俗云賜雨愆時是謁是禱其山石岸地險壁

立天固崖半有一石室去地可五十餘丈西側

一處得歷級升陟頂上平地一十許頃沙門釋

僧光表建二刹泉發於兩寺之間瀝石沿注山

下津渠隱沒而不恆流故有隱泉之名按此漢

武帝元朔四年始置西河郡古西河在龍門梁

山之間今河津縣也有子夏室及墓

雙峰山 在縣北二十里其山兩峰壁立故名

俗名大嶺即陶山之分脈也卓立萬仞雲霞飛

遶花木陰濃

熊耳山 在縣西北三十里以山狀熊耳故名

山多松柏蒙翳山谷

光統頭山 在縣西南三十里俗傳峰高日初

出其光先見故名或云光武統兵于此故一峰

有前峰臺之名上有白雲頂寺真武廟文昌祠

季春三日遠近四集號曰西頂幽深盤曲松柏

叢翠亦勝境也

文谷河 在縣北二十里源出交城縣孤突山

後經文谷口南流入於汾通筏溉田民甚便之

沙河 在縣東四十里源出祁縣南豐北流本

縣雲州村南下灌溉不時百姓甚利

飲水 在縣東北二十里古大陵城東南周圍

一十餘里

沁水 在縣北八里山下東南注文水寰宇志

謂之神福泉一名泌水

武潞泊 在縣南二十里今涸

伯魚泊 在縣東南二十里今涸

甘泉 在縣西南二十里甘泉寺內味甚甘

壽陽縣

方山 在縣西北四十里上湧龍池下疊泉石

喬松參天不植而生將雨有雲從岩穴中流出

溝壑障滿瀾漫天際遠觀四面俱方故名

神福山 在縣東北三十里亦名方山碧嶂雙

環壁立千仞松嶺蔚然遠望青葱如黛中有長

者龕文殊臺靈松岩古蹟種種絕頂龍池周可

數百步久旱不縮霖雨不霑尤為奇勝唐李通

元隱此著華嚴經

渦山 在縣南八十里高峻突出渦水經其下

故名又謂之過山以其高過羣山故也

燕山 在縣西三十里山多蟄燕故名一名燕岩山

紫岩山 在縣西八十里土石皆紫故名

石岩山 在縣西北八里許喬松怪石水繞三曲上有石佛古洞左有千佛石匱道經其間

玉泉山 在縣北二十里上有龍神廟前有清涼泉又名却略嶺

尖山 在縣北十五里尖圓秀麗迥出羣巒後有神武村又名神山

雙鳳山 在縣北五十里兩峰突起狀如鳳立日出光照其山因名雙鳳朝陽上有五龍聖母祠歲旱禱雨輒應下有五龍洞懸石似有龍頭

尾形體之狀而文成五色翠美潤澤有題景者曰山色玻璃山形屹立如鳳斯鳴迎旭在東

却略嶺 在縣西北七十里

鴉兒谷 在縣東南三十里昔有人迷谷中見鴉飛鳴得路又名鴉鳴谷

虎頭崖 在縣南二里許土山戴石其狀如虎頭

黃嶺 在縣西北五十里其嶺皆黃沙

狐妖洞 在縣西北五十里湧泉之東其深莫測風從內出人不可近

風洞 在縣北六十里陽摩寺中其深莫測與縣山谷相通洞內風聲如吼

太平河 在縣東二十五里水色赤濁故老相傳此水清則歲歉

龍門河 在縣西二十五里其源有二一出西可山谷中一出西張山谷中

黑水河 在縣西七十里源出黑水村三源合一至冷泉入洞澗水

童子河 源出曹村至縣西南里許入壽水故老相傳昔有李長者過此有羣兒迎于水邊因名舊有迎仙橋

壽水 在縣南二里

洞澗水 在縣南五十里俗呼冷泉旁有龍潭其水騰沸又名煎鍋

芹泉 在縣東二十里一名德水其源有二一出鴉兒谷曰南芹一出太平谷曰北芹泉

湧泉 在縣西五十里山頂上有白鹿寺泉從殿中湧出俗傳有白鹿跑泉旱禱輒應

黃龍泉 在縣北方山下俗傳李長者初著華嚴經有二白鹿駝經引入山下無水夜有黃龍拔樹水泉湧出

黑龍泉 在縣方山之前傳聞黑龍從此石中起山石半劈水泉湧出故名

欽定古今圖書集成方輿彙編職方典
第二百九十四卷目錄

太原府部彙考二

太原府山川考二

職方典第二百九十四卷

太原府部彙考二

太原府山川考二

府志

孟縣

黃毛山 在縣東北一百五十里與平山太平等村山勢相接黃毛祖師修煉於此又名黃茅山

黃蠶山 去黃毛山西三里又名老蠶山下有老蠶谷

碓臼山 山穴有如碓臼故名

界首山 下有界首村在紅沙崦西北八里

穿眼山 山穴如穿故名在界首山西五里下

渾沱河所經

旱魃山 下有旱魃泉在穿眼山南五里其泉遇旱益盛

石牛山 下有一石似牛故名在麻胡砦西北十里

陽大夫山 相傳大夫陽貨至此

紅團山 在縣北石牛山西八里下有泉出焉

宋元之亂縣人避兵於此上有平地十餘頃

桃紅山 在紅團山西七里上有牛道嶺下有

牛道峪

紅塘山 在牛道峪內

駱駝山 在桃紅山西五里有駱駝泉

椽房山 在駱駝山西五里

硯瓦山 以其形似硯故名

草堆山 在駱駝山西五里

大惡棧山

小惡棧山 俱與駱駝山西五里草堆山相近

龍鬚山 與大小惡棧山相近

鳳凰山 在縣北一百二十里

八眼井山 以其山下無水上有井八眼故名

兩嶺山 在縣西一百二十里兩山相峙山勢

如畫當兩縣東西之交稱要害地

幞頭山 形似幞頭

重門山 在縣西六里金大定二年勅建慈氏

清涼二院又名慈氏山松柏森蔚環插梵宮

仇猶山 在縣北七里春秋智伯伐仇猶國君

既滅後人在此立廟故名山尊巍四望咸俯北

鎮原仇屹如屏障土人呼曰高神山一名大安

白鹿山 在縣北三十里嘗有白鹿出此故名

竦岫山 在縣北七里其形孤峙故名

水神山 在縣東北十里相傳昔周世宗女秉

性貞烈不欲適人潛於是山樹下涕泣渴而思

水扣地得泉飲畢自縊於樹鄉人立廟祀焉禱

雨輒應

李賓山 在縣西南三十里昔李長者葬此有

墓存焉故名

雙鶴山 在縣南十五里昔李長者居此著華

嚴合論嘗有雙鶴來棲環山皆松

牽牛山 在縣東南三十里相傳舊有老人牽

牛於此頃之無跡故立廟祀之

藏山 在縣北五十里乃程嬰公孫杵臼謀藏

趙氏孤兒於此其藏處巖疊環堵石溜灌繁旁

有聖水禱雨輒應攀崖北古洞竦然中有石龍

旱禱輒應

越霄山 在縣東北六十里高出雲霄上有巨

人跡伏仙洞

幸胡山 在縣西北二十里昔元主嘗幸此山

馬宗山 在縣西北七十里隱士馬宗隱此故

名下有寒道泉盛暑益寒

靴蹄山 在縣北四十里形似靴故名下有何

晏窩隱士何晏隱此

龍霧山 在縣北四十里一名五花山層巒疊

現若五花然又名五花砦

高嶺山 在縣東六十五里三尖刺雲有洞如

玉周匝皆成龍形風穴噓焉是曰白龍洞

白馬山 在縣東北七十里圖經云白馬之山

牧馬之水出焉東曰白馬關

馬鞍山 在縣北七十里銀礦內韞諸石光燦

如星又名馬砦

牛蘭山 在縣西北六十里隱士牛蘭隱此